



UNIVERSITÄTS-  
BIBLIOTHEK  
PADERBORN

**Series Episcoporum Archiepiscoporum Et Electorum  
Moguntinorum, Trevirensium Et Coloniensium**

**Kolb, Gregor**

**Rottwilae, 1725**

**VD18 12054054**

LX. Ioannes Elector XLIV.

---

[urn:nbn:de:hbz:466:1-64326](#)

re hoc, de quo dicebant, consumatus in brevi explevit tempora multa, 3. nempe annorum compendio vivis est eruptus an. 1604. sub Leone XI. Pont.

## LX. IOANNES ELECTOR XLIV.

**I**oannes Schyvvardus perquam nobilis & antiquæ familie de Cronenberg decus, in Germanico Romæ Collégio virtutibus & literis juventutem exornavit. In patiam reversus ab Archipræsule Wolfgango constitutus est in spiritualibus Vicarius, à Metropolitanis verò delectus Scholasticus, dehinc Decanus, ac demum Archiepiscopus an. 1604. Inter Electores Moguntinos postremus fuit omnium, quos aliorum authorum potius, quām suo testimonio celebratos nobis reliquit Serarius. Paucissima cur de eodem scripsit, causa fuit, quod scribenter absterruerint & viventis Antistitis modestia, & Historicorum multorum regula, qua cautum sibi dicunt, ut non nisi mortuorum gesta scribant, ne adulatio[n]is incurvant notam. In compendiis etiam *ex ungue Leones* oportet cognoscere: tantus verò fuit Schyvvardus *Leo*, ut supremas in orbe *Aquilas* Rudolphum II. & Mathiam Augustos fratres sua potissimum autoritatē denique conciliaverit. Eminus & cominus contra *Pseudoleones* in Bohemia indutus armis, inter Victores Principes meritò potuit numerari: eapropter à Christiano Brunsuicensi Duce post Pragensem cladem bello vexatus durissimè, Joannem Tillium suum laudavit liberatorem. Genuinos dein æstimare & promovere doctus *Leones* Schyvvardus, rejecto suâ etiam sententiâ Friderico Bohemorum seditionis antesignano, *Leonem bavarum*, Maximilianum I. suo calculo elegit Imperii Dapiferum. Amicis igitur & *Aquilis* & *Leonibus* tutus atque securus, nec latum unguem cessit Acatholicis, difficultia sanè passus tempora, ubi nimirum per annos 30. continuos bellum pro aris & focis à nonnullis Pseudo-Christianis, Heterodoxis, & Mahometa-

nis in id unum conspirantibus suscepitum est, ut si non penitus solo æquare, saltem multis modis & machinis concussam intueri liceret Romanam Ecclesiam, aut Romanum Imperium. Annus Schvnicardo fuit ultimus 1626. Sedit itaque annis 22, una cum Pont. Paulo V. Gregorio XV. & Urbano VIII.

### LXI. GEORGIVS FRIDERICVS ELECTOR XLV.

**G**eorgius Fridericus de Greiffenclau ad Rhenum ex antiquo & perillustri sanguine natus, suis laude dignissimis gestis eundem maximopere exornavit: vestigiis enim Richardi avunculi sui prioris seculi inter Trevirenses Archiepiscopi præclarè institit ab ineunte ætate, cùm primùm Moguntiæ Canonicus, mox verò Præpositus, dein Wormatiæ Episcopus, & demum Moguntiæ Archiepiscopus est promulgatus. Interpræclara opera Friderici numerandum venit Imperatoris mandatum, vulgo *Edictum Restitutorum* nuncupatum, quo Heterodoxi in Imperio Viri Principes restituere sunt iussi adempta Ecclesiæ jura & bona: unde natus est tumultus inter malæ fidei possessores maximus, jure belli ea sibi debere vociferantes, & ampliora desiderantes. Annis non nisi 3. Moguntinam rexit Ecclesiam Fridericus sub Pontifice Urbano VIII. an. 1629. jam mortuus, cui longius ævum optarunt non modò Viri clarissimi ex Greiffenclauensium genere oriundi, atque inter Moguntinos celeberrimi, sed in Ecclesia & in Imperio omnes boni.

### LXII. ANSELMVS CASIMIRVS ELECTOR XLVI.

**A**nselmus Casimirus Perillustrium Equitum cognomento Wambold de Umstatt dictorum insigne decus, inter totius Germaniæ hostiles strepitus est promulgatus, omne nequa-